

義

禮

糾

解

儀禮紉解卷之八

安溪王士讓述

聘禮第八

聘禮者。侯伯使卿相問之禮。所謂大問也。若小聘則曰問。使大夫行之。周官大行人云。凡諸侯之邦交。歲相問也。殷相聘也。聘於五禮。屬賓禮。士讓按。大聘使卿。謂之殷。殷者中也。又訓衆也。盛也。三義皆通。蓋三年一大聘。不疏不數。此之謂中。其間邦交非一人。從衛非一士。供億非一官。可謂衆矣。自始而圖事。至歸而反命。儀物禮節。備極詳明。不亦盛乎。聘禮。士讓按。諸侯於天子。五等邦君。自相於各。有聘禮。而此篇主言次國大聘之禮。篇首

下事也。

君與卿圖事。

圖謀也。謀聘故。或因聘。或特行。及

朝。取詢衆之意。

士讓按圖事在路門外之正

朝。其面位未詳。注約燕大射禮。以爲君南面。卿

西面。大夫北面。士東面。若然。則是尊卑以次左

旋也。大夫士皆在。獨言與卿輔謀。主于尊者。

遂命使者。

遂因也。既謀其人。因命之也。聘使卿

對晉士景伯。先王之制。嘉好聘享之事。於是乎

使卿。魯所使聘於諸侯者。如公子友。公子遂。季

孫行父。仲孫蔑。叔孫豹。皆卿也。則使卿正也。其

或有非卿者。則大夫攝行事。所謂少卿者與。

使者再拜稽首辭。

辭以不敏。士讓按一辭不

敢固辭者。君命重大。固懼弗

勝而惟君所命。君不許乃退。退反位也。受命時由位進。敖氏繼

豈敢避難也。公曰。君不許其。介副也。

辭。故不答拜。既圖事。戒上介亦如之。上介者。

大夫也。已謀事。乃戒上介。難於使者。易宰命司

於介。使者云。命上介云。戒。異尊卑也。

馬戒衆介。衆介皆逆命不辭。宰上卿貳君事者也。諸侯謂司徒爲

宰。衆介者。士也。士屬於司馬。周禮司馬之官有

司士。掌作士。適四方。使爲介。此侯國當亦然。逆

猶受也。不辭者。賤不敢辭。望溪方氏曰。逆謂

迎而受之。言速也。與周官太僕。聞鼓聲則速逆

御僕同義。士讓按賈疏云。天子有六卿。諸侯

兼官。但有三卿。司徒兼冢宰。司馬兼宗伯。司空

兼司寇。是以左氏杜洩云。季孫爲司徒。叔孫爲

司馬。孟孫爲司空。據此。則經言宰命司馬戒衆

儀禮紉解

卷八

聘禮

二

介是二卿俱在國理事其堪磨使者惟司空一卿耳然春秋載魯卿出聘季仲叔迭見亦不必泥

右圖事命使介

記久無事則聘焉

事謂盟會之屬

士讓按聘義云天于制諸侯三年大聘而此記言久無事則聘是不定以三年也蓋若纔盟會有事相見而拘於定制聘使又至則為太數故言久無事則聘文相備

宰書幣

宰制國之用故掌書幣書聘所用幣多

儀職亦云凡諸侯邦交各稱其邦而為之幣也命宰夫官具宰夫宰之屬也命之使衆官具幣及行道所齎多少

右具齋幣。多貨則傷于德，幣美則沒禮。

天貨

地所化生，謂玉也。君子於玉比德，故朝聘用之，重禮也。多之，則是主於貨，傷敗其為德。幣人所造成，以自覆，幣謂束帛也。美，奇巧也。享幣有常制，所以副忠信。美之，則主於幣，而掩沒其禮意也。士議按貨訓，玉指瑤圭。既受瑋璧珠，臣出聘所用者，與命圭之制別。行出，遂見宰，問幾月之資。

見宰于官府，問計度也。資，行用也。

及期，夕幣。

先行之日久，陳幣而視之，重聘也。主不預授者，尤重也。姚氏南青曰：命

使之後，夕幣之前，中閒具齋幣，治行李，整車徒，容有旬日。使介從旅，得以庀其家事。皇皇者華，詩序曰：君遣使臣，送之以禮樂。燕送之節，應在此時。請期告期，面位畧如夕幣。宰由君右，命之

儀禮紉解

卷八

聘禮

三

使者朝服帥衆介夕。視其事也。管人布幕于寢門外。

管猶館也。管人掌次舍。此兼掌布幕者。諸侯兼

官也。覆上謂之幕。此則布于地者。以承幣而展

陳之也。寢門外。官陳幣。皮北首西上加其奉于

路門外正朝也。官陳幣。皮北首西上加其奉于

左皮上。馬則北面。奠幣于其前。官。即上文所云

幕上。奉所奉以享君。享夫人之幣。謂束帛及玄

纁也。璧珠不陳。厥明乃授之。馬云則者。享主用

皮。或時用馬耳。馬入則在幕南。皮馬皆乘數。

敖氏繼公曰。皮北首。變于執也。西上。放設時之

位。此皮若馬之位。其享主君者在西。享夫人者

在東。望溪方氏曰。圭璋璧珠不陳。非獨以其

寶貴也。天質自成。雕鏤有度。無事臨期。覆視之

纁帛則有精麤。馬則有騶良。皮則辨毛色。非有

司別擇而君卿大夫臨展不敢以輪所以重邦
交達誠悃也。士讓按皮北首馬北面皆嚮君
左皮皮使者北面衆介立于其左東上。既受行
西上者。位也。左西方也。位在幕南便於視卿大夫在幕
幣東上則使在介東次介在介西。卿大夫在幕
東西面北上。此謂處者也。大夫當北面。宰入告
具于君。君朝服出門左南鄉。入告入路門而告。
朝。史讀書展幣。書記幣於方者。展詳校之。史幕
位。撫之或曰史幕西東面讀。宰執書告備具于君。
書有司北面展之義更長。其授受皆公揖入。展
授使者使者受書授上介。北面向君。

訖。揖禮。

官載其幣舍于朝。

待旦行也。載謂載之。于車。春秋傳曰川幣。

百兩。此官乃將從賓行者。與前陳幣者異。上介視載者所受書以行。視載者視所載物及所受書驗其符否也。別言以行見其不與幣同處。望溪方氏曰視示同使者以書授上介故上介以所受書示舍於朝者使與幣重載以行也亦通。

右授使幣

使者既受行曰朝同位。

謂夕幣時同位。

者使者北面介立于左少退。士讓按朝同位亦寓同心將命不辱之意。古者出而用兵則均服同食其遣帥役則同歌同時聘賓禮也。使者聘而誤國之榮辱所關介與焉則禮之從同也。固宜。

厥明賓朝服釋幣于廟

告為君使也賓使者也謂之賓以事尊之也卿

大夫服以朝服為正故入廟亦用之釋舍置也將出而釋幣象生時出必告也天子諸侯將出告羣廟卿大夫告廟而已若父在則有司筵几

于室中祝先入主人從入主人在右再拜祝告

又再拜

筵几蓋蒲筵東面而右漆几室中與也

更云主人者廟中之稱也祝升自西階

先入在左如祭時主人升自阼階從之祝告告

以主人將行也主人拜不稽首變於正祭祝不

拜辟君禮釋幣制立纁束奠于几下出

祝釋之也几物十日束立

纁之率立居三纁居二制舒之長短也每卷一

丈八尺以為制其幅二尺四寸以為廣十卷名

儀禮訓解

卷八

聘禮

五

東

主人立于戶東祝立于牖西

立東西相鄰少頃之閒示有俟

于又入取幣降卷幣實于筭埋于西階東

又入者祝

也筭竹器埋幣必盛以器若

又釋幣于行

告將行也

行爲平道路路之神位在廟門外西方卿大夫

因行使始出告禮之不言埋幣可知也其釋幣

之儀亦與室中異歟行神有轅瓊月令

遂受命

注云行爲轅瓊厚三寸廣五尺輪四尺

如其於

言自是出而帥介以

上介釋幣亦如之

廟與行

右釋幣于禰及行

上介及衆介俟于使者之門外

待于門外東面北上依賓客門

外使者載旗帥以受命于朝。通帛為旗謂大赤從周正色無飾孤

卿所建者載之所以表識其事朝外朝也使者

帥介位宜北面東上士讓按賈疏謂諸侯三

門臯應路誤也臯應惟天子得立諸侯只立庫

雉路耳又疏云朝門為臯門外臯當改作庫蓋

此時使車至庫門外止而下

行人以俟命于雉門外也

夫西面北上君使卿進使者。在朝固朝服矣必著之者嫌命使或

當皮弁服也南鄉亦在路門外之

左士讓按必使卿進者重聘事

介隨入北面東上君揖使者進之上介立于其

左接聞命。入雉門也進之者有命宜相近也接猶續也賈人西面坐

啓櫝取圭垂纁不起而授宰

賈人庶人在官知物價者使于四方

宜帥以從事也櫝藏玉之器圭所執以爲端節者特達不藉餘幣最重之器也纁以藉玉首解見下文取圭或垂纁或屈纁禮相變也授玉不起賤者宜自別也

宰執圭屈纁

自公左授使者

屈斂之也垂而屈者禮以相變爲敬也自公左贊幣之義

使

者受圭同面垂纁以受命

屈而又垂矣同面者宰就使者北面而授

之既授之而君出命矣凡授受常法授由其右受由其左敖氏繼公曰於使者受圭公乃命之明其執此以申信也上經曰接聞命其實彼時君未發命也釋上介所以立於左之意耳上介必接聞命者爲使或有故則上介攝使事宜與聞之下文使者既述命乃授上介圭者以此

既述命同面授上介。

述命者循君之言重失誤望溪方氏曰述命者慮

使者聽之未審故使覆

述所命以不忘於心也

上介受圭屈纁出授賈

人衆介不從。

纁又屈矣相變以爲儀衆介不從待事也士讓按賈人取圭授半

後卽起以楨出而待藏位當

門外北面經不著者可知也

受享束帛加璧受

夫人之聘璋享玄纁束帛加琮皆如初。

享獻也既聘又

獻所以厚恩惠也帛璧色纁夫人亦有聘享明

同體也聘以璋取其形半圭也君享以璧形圓

夫人以琮形方取大地配合之象也圭璋特達

瑞也璧琮有加往德也周禮云琮圭璋璧琮以

頻聘臣出聘所用不爲六瑞之制但琮之而已

敖氏繼公曰二束帛卽向之所展而官載之

者至是復取而合諸璧琮以見用之之法也。享
東皇不言玄纁文省耳。三禮館議云如初則
璋琮亦有纁而垂屈之節並同。士讓按注疏
據典瑞玉人之文見本君親來朝則執桓信躬
蒲穀之命圭臣出聘鄰國無執命圭之
儀朱子解鄉黨與此不同宜詳考之。

右受命于朝 所以朝天子圭與纁皆九寸

剡上寸半厚半寸博三寸纁三采六等朱白

蒼

圭命圭雜采曰纁皆九寸據上公之制言

親朝則執之也。剡上者圭之首三角而銳
也。剡上寸半謂剡其左右各寸半也。剡厚博
之數據圭而言此尊卑所同惟長短依命數
不同。公侯伯之纁皆三采六等者朱白蒼蓋
一采爲二等相閒而成六等也。子男則二采

耳。三采六等者三就也。

問諸侯朱綠纁八寸。

此二采再就降於朝

天子者也。問遣臣相問也。上公朝天子圭與纁皆九寸。則自相朝亦九寸可知。上公遣臣相問圭與纁皆八寸。則遣臣問天子亦八寸可知。推之侯伯玉與纁當六寸。子男當四寸。本記言二采不云四等可知也。言纁不及玉省文也。存朱而加朱亦尚文之意。皆玄纁繫長尺絢組。繫繫玉者。采成文曰絢。三禮館議舊注謂纁以韋衣木版飾以三色或二色。今按記云皆玄纁。玄纁纁之質也。以玄纁為質則非韋明矣。當如敖氏解纁以玄纁之帛為之。蓋表玄而裏纁也。其表裏則或絢以三采。三采者三就也。每一匹為一就。三采相間而重之則其等六。二采者可以例推矣。繫者纁之繫也。以絢組為之。

其長尺其絢亦如纁之采與。纁言采繫言絢
 文互見也。纁以藉玉而又揜之。上經賈人垂
 纁謂開之也。開而不揜則其纁垂。字屈纁謂
 揜之也。揜之則其纁屈。古人服采大率取象
 天地。故或玄上纁下。或玄表纁裏。又他禮每
 云組繫此亦組繫也。但絢則彌華耳。較與經
 記之。凡四器者惟其所寶以聘可也。四器謂
 圭璋璧琮
 琮據公侯伯之使言。若干男使者聘用璧琮
 享用琥璜。敖氏繼公曰言惟得用其所寶
 者以聘見不可用
 其不當用者也。凡執玉無藉者襲。幣也。無
 藉為質襲充美亦質聘時圭璋特而襲是也
 士讓按藉義有二。有用纁為藉者。席藉之
 義也。有用束帛玄纁為藉者。藉助之義也。此
 無藉以圭璋特達不藉助餘幣言。陳氏祥道

辨之甚詳。

遂行舍於郊。

遂行者君言不宿之義亦爲問。大夫之幣俟拾於此也。舍止也。斂

旌。

爲行道未有所事故斂收之。

右遂行出祖釋輶祭酒脯乃飲酒于其側。

祖始也。出國門爲行始也。道祭謂之輶。釋輶者釋置其所輶之物謂酒脯也。國門外爲輶壇蓋委土爲山象以菩芻棘栢爲神主。若行則伏瘞大羊之牲。卿大夫使或不用牲直用酒脯祈告處者出餞其行乃相飲酒於其側。禮畢乘車轅之而遂行。喻無險難也。於是舍于近郊焉。士讓按此見急公忘家爲國愛身之意而君臣之義僚友之情胥得之矣。

問大夫之幣俟于郊為肆。又齋皮馬。肆陳列也。齋付

也。幣云肆皮馬云齋因其宜亦五文也。使者既受命宰夫載問大夫之禮陳于郊以待之至則付之。不于朝者辟君禮必陳之者前此不久且與衆見之也。

若過邦至于竟使次介假道束帛將命于朝曰

請帥奠幣。至竟而假道不敢直徑也。次介士也。假道禮輕故使之將致也。朝大門外

也。帥猶道也。請道已道路所當由也。幣奠之士賤非下大夫敵不敢授也。士讓按春秋楚申

舟不假道于宋而華元以為下大夫取以入告

郟我則假道之禮衰世猶然

出許遂受幣。先言出許後言受幣云遂者見幣以行禮非為假道許為鄰誼非為

鄰誼非為

受幣也。望溪方氏曰：不煩次介入陳，餼之以體過賓之心，每懷靡及，不欲稽留也。

其禮上賓犬牢，積唯芻禾。介皆有餼。凡賜人以

以其禮者，尊卑有常差也。賓則犬牢。上介則少

牢。羣介則特牲。芻禾，皆秣馬者。望溪方氏曰：

芻禾不可猝致，故官致之。米薪百物，隨在可市。

使者計月而請道齋，正用之於此。必如此，然後

主國不困，客亦可安。春秋時，齊桓創霸，資糧非

屨，皆所至之國供之。故陳轅濤塗以爲國，必甚

病而說辭。士帥沒其竟，沒，盡。三禮館議：周

以誤之也。士帥沒其竟，語，候人爲導，卽此士誓

于其竟，賓南面，上介西面，衆介北面，東上。史讀

書，司馬執筴立于其後。此使次介假道時止而誓也。因上文方連叙彼

國禮故後及此賓南面專威信也史讀書以教
告士衆恐其犯禮暴掠也位宜在衆介之前北
面司馬大司馬之屬官主軍法者執筴以示罰
也士讓按賓先齊衆以禮也春秋昭六年楚
棄疾聘晉過鄭禁芻牧採
樵誓君子小人猶見古道

右過他國

未入竟壹肄

謂所聘之國竟也肄習也

爲壇

畫階惟其北無宮

壇土以象壇而畫爲階惟于其北者宜有所鄉依也無宮

不壇土爲外垣也壇以象堂畫階以便習升降

之儀壇無成數又俱無尺數敖氏繼公曰壇

象堂惟其北象房朝服無主無執也必言朝服

室以爲堂深之節者嫌肆聘

儀當如聘皮弁服也。不立主人，辟正尊也。不執玉，不敢褻也。但習其威儀而已。介皆與。

北面西上。此正聘時，介入門左之位。士讓按此正入廟聘享，威儀觀瞻所屬，特預

俛之，而著習享士執庭實。士有司也。庭實，實之其位次。習夫人之聘，享亦如之。習公事，不習私

事。公事，致君命者。私事，私覲私面者。事私覲私面者。

右習儀

右習儀

及竟，張旌誓。張旌，明事在此國也。張，使人繼之。教氏繼公曰：或云張，或云載。互

文。士讓按：張旌而誓，非第以表威儀也。將使衆喻其令，莫敢或犯，而居民行商，無侵掠強句。

之虞爲使介者不至獲戾於兩君也。大抵卿行旅從人衆則易消。因事犯禁。在主國以賓之故。不敢顯訟其非。而使介行禮方殷。亦乃謁關人。不暇檢省。則雖嘉事而貽累或多也。

關人問從者幾人。

謁告也。竟上爲關以譏異服。異言。周禮司關上士二人。中

士四人。又云。每關下士二人。王城十二關。春秋傳魯有六關。則侯制亦或然也。凡四方之賓客。啟關則關尹以告。問從者幾人。欲知爲聘爲問。且爲有司當共委積之具。蓋若卿行則旅從大。夫小聘亦以介對。以所與受命者對。謙不敢以當百人也。

以介對。

衆相煩也。但以介數對。則知

人數矣。禮上公之使七介。侯

君使士請事。遂以

伯之使五介。子男之使三介。

入竟。

問所爲來之故。因道之。晉韓宣子聘于周。王使請事。對曰。晉士起將歸時事于宰旅。

無他
事矣。

右及竟

入竟、斂旌、

斂旌變于始入。

乃展。

復校錄之重其事也。

布幕、賓朝服

立于幕東、西面。介皆北面。東上。賈人北面坐。拭

圭、遂執展之。

賓西面者雖不對君由是臣道變於前暫時示威信也。拭清也。側幕

而坐乃開橫拭之執展之而告完好。敖氏繼

公曰布幕亦管人介之位蓋在賓西南賈人則

少進而在幕之東南也。上介北面視之退復位。

故下云上介北面視之。上介北面視之退復位。

退圭。

上介全致其憤也言退復位則視

陳皮北

首西上。又拭壁展之。會諸其幣。加于左皮上。上

介視之。退。馬則幕南北面。奠幣于其前。會合也。幣束帛。

也。享用束帛加壁。展璋如璧。陳展。展時合而陳之。展夫人之聘享亦如之。如主。

皮幣馬同前。賈人告于上介。上介告于賓。聘享。

之玉幣禮畢。三禮館議。注謂展夫人聘享上

介不視。非也。君與夫人之聘享。前受命與下致

命。禮儀俱同。入竟而展。無不視。有司展羣幣以

告。私覲及問大夫者。不陳於幕。辟君禮也。及

郊。又展如初。郊。遠郊。天子遠郊百里。以此差之。遠郊上公五十里。侯伯三十里。子

男十里。近郊各半之。及館，展幣於賈人之館如初。館舍也。遠郊之內，有侯館，可以小休止沐浴。展幣亦兼玉，不于賓館者，為主國之人有勞問已者，就賈人之館為便也。士讓按幣必三展者，闕津之跋涉，風露之燥濕，皮馬之羸敗，收卷之辟戾，皆當慎者。故未至近郊，先展之。若至近郊以後，則應務愈多，不暇詳矣。其展之之序，先重以及輕，先公以及私。

右三展幣

賓至于近郊，張旌。君使下大夫請行，反，君使卿

朝服用束帛勞。

請行，問所之也。雖知之，謙不必也。或曰：請行，謂請之行。蓋速之。

也。後說近是。及復於君也。前此及竟。士請事矣。今此請行。以大夫。遂使卿勞。以束帛。彌尊賓也。其服蓋皆以朝服。特于此見之耳。上介出請入告。賓禮辭迎于

舍門之外再拜。

出請所以來事。在門左西面。入告。賓介北面。前此士請事。大夫

請行時。當有出請入告諸儀。至此方錄之者。以漸近則賓彌尊。故詳也。賓禮辭。以其用幣也。春秋傳魯叔弓聘于晉。辭却勞曰。敢辱却使。辭致館曰。敢辱大館。禮猶可見。勞者不答。凡為人使。賓揖先入。受于舍門內。不受于堂。不當其禮。賓揖先入。受于舍門內。主于侯伯之臣也。公之臣受。勞者奉幣入東面致命。賓北面聽命。還少退。再拜稽首受幣。勞者出授老幣。

勞者東而則賓暫為主在東也。賓北面若對君南面然也。其受當訝受之。還少退象降拜也。稽首答君也。勞者出不答不敢答也。老賓之臣若趙魏臧氏老是。出迎勞者。勞者禮辭賓揖先入。勞者從之。賓先入西面。勞者從入東面。乘皮設賓用束錦。儼勞者。皮。麋鹿皮。乘四數也。齊語載齊桓公使諸侯輕其幣。用麋鹿皮四張。亦一隅也。設設于門內。庭實當在庭。以儼勞者在庭。故設于門內。束十數也。言儼者。賓在舍有主道也。士讓按乘皮設而儼則用束錦者。將其貴者也。勞者再拜稽首。受賓再拜稽首送幣。受送拜皆北面。象階首尊國賓也。此解未的。稽首至地。乃臣拜君法。若平敵相於。但頓首至地。若君答臣則空首。首義禮別解。

至手。今國賓雖尊，奚可以拜君之禮？將之。竊思
乘皮束帛，皆君之貺，其稽首也，謝使國之君也。
其送幣稽首也，謝主君遣卿勞也。二國之卿，皆
以君命相將者，故前此賓北面聽命，若君臨于
南面然。及至稽首受幣，勞者揖皮出，乃退。賓送
勞者，出不敢答，皆此義。勞者揖皮出，乃退。賓送
再拜。從人當訝受之。於是君使勞禮畢，夫人使
下大夫勞，以二竹筮，方立被纁，裏有蓋。竹筮方
竹器名。
外圓內方曰筮。立被于外，而纁
為內，狀如簠而方，受斗二升。其實棗蒸栗擇，
兼執之以進。蒸熟之。擇揀之。棗栗俱蒸擇，文互
見耳。其執之，左手執棗，右手執栗。
士虞禮：主婦賓受棗。大夫二手授栗。受授不游
手，慎之也。
設棗，棗在西。

互文。賓之受如初禮。如卿勞之儀。儻之如初。敬夫人同於君。

下大夫勞者，遂以賓入。道之也。然則賓送不拜。士讓按以此推之，王

后之勞侯禮，有玉案以盛棗栗。士庶人之妻，或潔酒漿，贈雜佩，亦此意。

右郊勞。辭曰：非禮也。敢對曰：非禮也。敢。士讓

按此記注疏及張氏識誤，多有疑義，當闕以俟知者。

至于朝。主人曰：不腆先君之祧，既拊以俟矣。賓至

外門，下大夫入告，出釋此辭。君稱主人，接賓之稱。遷主所在曰祧，乃始祖廟也。祧，超也。超上不毀之義。不言廟而言祧，祧尊而廟親，以尊賓故稱之。拊，洒掃也。凡受聘享必于始祖廟，以尊之。

若饗食則於福燕又在寢。彌相親也。云拊以俟者。明至欲受之。不敢稽賓也。士讓按賓未卽相見。不先卽館。而必至于賓曰。俟閒。賓意不欲朝者。明奉君命而告至也。敖氏繼公曰。既拊以俟。主人緣賓意欲速達其君命也。俟閒。賓緣主人意。謂已雖欲達君命。亦不可不俟主人之暇也。

右至朝

大夫帥至于館。卿致館。

大夫帥至。必特使卿致重賓也。

賓迎再

拜。卿致命。

當在門外。

賓再拜稽首。卿退。賓送再拜。

士讓

按必稽首者。如對主君也。于卿退。主于送卿。只再拜而已。則人臣無相稽首之禮。益可見矣。又

據注疏謂致館兼致殯。又謂致館有束帛。詳經文無拜受幣之文。則無束帛可知。至下經設殯乃宰夫設之。則非兼致又可知矣。朱子已辨。見通解。

右致館 卿館於大夫。大夫館於士。士館於

工商。不館于敵者之廟。為太尊。自官師以上。

館於敵者之廟。固為太尊。若館於太卑者。禮

亦褻。故惟降等者為宜。但注謂館必于廟而

疏則云。若朝聘使少。則皆於正客館。若

使多。則有在大夫廟者。朱子以疏為優。管人

為客。三曰具沐。五曰具浴。管人掌客館者。客

士讓。按具者不必果。使者下及士介也。

用。此客至所以如歸也。

宰夫朝服設飧

宰夫士也以奉君命故亦朝服徒有食而無他饌曰飧傳曰盤

饋是也徒食食亦曰飧玉藻曰不食肉而飧是也此禮用大牢其上有簠簋鉶豆之屬乃云饋者謙不備禮也泊邾吳氏曰飧夕食也故字从夕古者自大夫以上日食必有牲鼎朝食殺牲則祭肺夕食不殺牲但餽朝食之餘祭牢肉而已是饗則豐而飧則殺也此所設視饗禮為殺故謂之飧

飪一牢在西鼎九羞鼎三腥一牢在東

鼎七

中庭之饌也飪熟也熟在西象秋物熟腥在東象春物生也正鼎九牛羊豕魚腊

腸胃膚鮮魚鮮腊也羞鼎即陪鼎以其實言則曰羞以其陳言則曰陪三者腍臠臠也腥鼎七無鮮魚鮮腊二者飪九腥七皆云牢者主於牛羊豕也

堂上之饌八西夾

六、八六者、豆數也。凡饌以豆爲本，皆先設之堂上。八豆，則八簋六鉶兩簠八壺也。西夾六豆，則六簋四鉶兩簠六壺也。凡其門外米禾皆二

十車。禾、稊實並刈者，大夫禮。米禾視死牢，此饋禮死牢二，而米禾皆二十車也。米陳門東

禾陳門西。薪芻倍禾。各四十車。薪從上介，飪一牢在

西。鼎七。羞鼎三。堂上之饌六。門外米禾皆十車。

薪芻倍禾。西鼎七，無鮮魚鮮腊。六者，與賓西夾數同，但言堂則西夾無矣。衆介

皆少牢。亦飪在西。鼎五。羊、豕、膚與魚腊也。新至

自羊而下曰少牢，次盛也。鼎賓九，上介七，衆介五，降殺以兩也。衆介不言堂上饌，以次羞之，宜

侍禮卷角

卷一

四豆四簋兩銅四壺無簠其米禾薪芻亦應有抑殮不備禮與士讓按卿之祭七鼎也而為聘使則主君待以九鼎加陪鼎三則十二鼎矣大夫之祭五鼎也而為聘介則主君待以七鼎加羞鼎三則十鼎矣士之祭以三鼎也而為聘之衆介則主君待以五鼎矣皆加禮羞鼎即陪鼎又名銅鼎所以實羹具五味者陪于正鼎其芼則牛薺羊苦豕薇皆有滑也牛為臠羊為臠豕為臠

右設殮

殮不致賓不拜沐浴而食之

不致者設之而已不以束帛致

命以草次饌殮具輕也不拜者以不致也猶沐浴自潔清尊國君賜也其禮重者沐浴可

知。

厥明訝賓于館。

以君命迎賓謂之訝。此訝下大夫也。其服如賓皮弁。

賓皮

弁聘。至于朝。賓入于次。

皮弁者。放其君相朝之服也。加于朝服一等。朝

君大門外也。次在大門外之西。以帷爲之。入

乃

于次者。俟辦具也。皮弁服。詳見士冠禮解。

乃

陳幣。

有司先入于主國廟門外。少西。以布幕陳幣。如展幣焉。其圭璋重。則賈人執橫而俟。

卿爲上摯。大夫爲承摯。士爲紹摯。摯者出請事。

摯。主君所使出接賓者。承。相承。紹。繼也。其位相

承。繼而南也。請事者。啓發賓之進也。其時賓出

次。直闕西北面。上摯在闕東。闕外西面。其相去

之步。如上。公使則七十。侯伯使則五十。子男使

則三十。上介在賓西北東面。次介末介以次而北。承擯在上。擯東南南西面。末擯以次而南也。張氏爾岐曰：此旅擯不傳命者也。蓋卿大夫聘問，上擯受命，出門南面，遙揖賓使前，上擯漸南行，賓至末介北東面，上擯至末擯南西面，東西立定，乃揖而請所爲來之事。賓對訖，上擯入告公。上擯與賓親白相問對，是旅擯不傳命也。士讓按：擯法有二。有交擯、交擯者，傳辭，諸侯朝王，五等邦君相爲賓，用之，其禮重。有旅擯，不使介傳辭，直陳之而已。此經所記是也。其禮較輕。三禮館議：鄭康成解擯者之數，引大行人天子待諸侯之禮，上公擯用五人，侯伯四人，子男三人，似有據依。然究未可卽以是爲諸侯賓。其聘卿之禮也。按：敖君善謂本經但言上擯承擯，紹擯不言其人數，則是諸侯之擯三人而已。不以已爵及朝聘者之尊卑而異，所以別于天子。

也較與公皮弁迎賓于大門內大夫納賓大門

經文合公不出大門者降于待其君之親來也大夫上

大夫卿上擯也於是賓主人皆謁敖氏繼公

曰大門內者其在門東西面與此大夫亦謂上

擯也錯綜其文以明卿爲上擯亦謂之大夫也

經文多賓入門左左西也王藻云賓入不中門

如此介隨入北面西上少退擯者亦入門而右北面

東上上擯進相君矣以下經入廟門約之而知

公再拜賓辟不答拜公南面拜迎賓避位迨道

人於階等者不出迎一拜不敢當其禮士相見禮主

其辱此再拜尊國賓也公揖入每門每曲揖

每門每曲輒揖者以相人偶爲敬也人偶也者

一左一右若相向相待之意也凡君與賓入門

禮記卷之八

聘禮

賓必後君介及擯者隨之。並而雁行。卑不踰尊者之迹。敬也。既入。則或左或右。其鄉廟也。皆曲而東行。又曲而北行。泊邛吳氏曰。士大夫二門。則入大門。曲而東。卽廟已。諸侯三門。庫雉路。廟在庫門之內。天子五門。臯庫雉應路。廟亦在庫門之內。但天子之庫門。則爲第二門耳。其諸侯廟制。賈氏以爲東西平列。與朱子所云大祖廟在北。左昭右穆。以次而南者異。似當以朱子爲定。三禮館議上云。入門左。是已入大門矣。下云及廟門。是尙未入廟門也。此云每門每曲者。何也。疑入大門北行。折而東。必有西鄉之門。爲廟與朝之限。此卽謂之閤門也。旣入閤門。則當有南鄉都宮之門。又一門也。都宮內左昭右穆。其廟門外。或亦各有閤門。每曲則士冠禮敖氏言之。但此五及廟門。公揖入。立于中庭。此廟之制。曲彌多耳。

祖廟居中者，行聘統于所尊也。公揖先賓立接。

入者，省內事也。既則立于中庭，以俟賓。賓立接。

西塾。接猶近也。西塾，西方門側之堂。立于此者，俟命也。此時幣在廟門少西，行塗之南。賈

人東面，鄉之。介立于賈人之北。賈人又在介北少進，而皆東面。几筵既設，賓者

出請命。有儿筵者，廟受宜依神也。席西上，周禮諸侯祭祀，席蒲筵，續純右彫几。賓至廟

門，司宮乃于依前設之。神尊不豫事也。士讓按前但云請行請事，此云請命者，聘君所命使至

此主君。賈人東面，坐啓櫝，取圭珪纁，不起而授

宜聞之。王尊不與幣同陳，故事至乃取之。授圭不

上介。起，賤不敢為禮也。不言裼襲，賤也。上介受

圭于其上介不襲，執圭屈纁授賓。上介東面受

左東面。上介不襲，執圭屈纁授賓。圭進東面授

賓。不襲者，以盛禮不在已也，必言之者，見

聘時惟賓與主人襲耳，屈纁并持組繫也。賓襲

執圭。襲，揜也。揜，上袖，使美充于中。圭乃特達，

不藉外飾，故以服充美為崇敬尚質。摯

者入告。上摯也。入告，公以出辭玉。圭，贊之重者，

尊讓。亦納賓，賓入門左。闕西。介皆入門左，北

面西上。隨賓入也。介三揖，君與賓也。入門將曲

公立于中庭，向賓揖之也。當碑揖，此主君至于

東面向堂塗北行，乃得賓主相向時也。至于

階，三讓。公升二等，賓升西楹西東面。七等，公

先升二等而後賓。摯者退中庭。前公所立之處

升與公東西相嚮。摯者退中庭。少南退者，以公

宜親受賓命賓致命致其君之命士讓按不用擯相也賓致命賓致命乃全篇關要處公

左還北鄉公升受賓致命時西鄉迴身北面為

北面對君之禮也至升堂則東鄉而與主君正

相對傳已君之命也及致命則公左還北鄉而

拜凡敵者之禮拜皆北面如親見擯者進進階西

聘君也若東面則似答使者矣擯者進進階西

釋辭于賓相公拜士讓按公當楫再拜楫梁

論語趨進翼如也正屬此時公當楫再拜也拜

拜既也為將受玉擯者必先退乃進禮以賓三

變為敬公必待擯而後拜尊者尚多儀賓三

退負序三退三遂遁也不言辟者以執圭將進

也三退見其頃刻不敢安公側襲受玉于中堂與

也三退則負序而立矣公側襲受玉于中堂與

義豐川澤聘禮三

東楹之閒。

側，獨也。無贊之者，自致敬以尊賓也。敖氏繼公曰：凡堂上授受贊幣之禮，

敵者則在兩楹之閒，主人尊則于東，賓尊則於西，又皆以遠近為差。聘賓宜降主君一等，故使

者就主君於東楹閒而授玉。

賓者退負東塾而立。

無事。

賓降介

逆出。

逆出，由便。

賓出。

聘事畢。

公側授宰玉。

側，猶特也。特授，使慎藏之。

裼降立。

裼，猶袒也。袒上袖，見內服之美，相變以為敬也。降立，侯享也。亦于中庭。士讓

按髮葛冬裘，皆有襲裼之宜。春與秋亦然。故經文只言襲裼，而不言襲裘。裼裘，即鄭注亦只言

襲衣裼衣耳。學者第據玉藻文，謂惟裘有襲裼，誤矣。

右行聘禮。

卿大夫訝，大夫士訝，士皆有訝。

卿使者。大夫。上介也。士。衆介也。訝。主國所使
迎待賓者。謂初行聘。及饗食燕。皆迎之。此記
據侯伯之卿大聘言。小聘亦有之。凡訝皆降
一等。云士皆有訝。嫌其賤不必訝。若上士則
使中士。中士則使下士。可也。宗人授次。次以帷。少退于君

之次。

主國之大門外西方。次位有常處。朱子

曰。周禮幕人掌相會共帷幕。掌次掌張
幕。此宗人字恐誤。士讓按卿聘不得
有君次。云少退者。退于君次原設常處。唯大

聘有几筵。

謂受聘享時也。小聘輕。禮不拜至。雖受于廟。不爲神位。

以賓非始至。前已請

辭無常。孫而說。

孫順也。凡使受

命不辭。辭多則史少。則不達。辭苟足以達義之

至也。

史謂文勝至、極也。

辭曰：子以君命在寡君，寡君

拜君命之辱。

此贊君拜聘享辭也。在、存也。

上介執圭如重

授賓。

慎之也。執輕如不克。

賓入門，皇升堂，讓將授志，趨

皇，自莊盛也。讓舉手平衡志，猶念也。念趨，謂

審行步也。敖氏繼公曰：執玉不趨，特志于

趨耳。言其急于授君而行速也。授如爭，承下

士讓按平衡則不亢，故云讓。

授如爭，承下

如送。君還而後退。

授，謂就東楹授王于主君時。望溪方氏曰：如爭，讀

斷，謂如爭取物，不遽釋手也。承下如送，主君

既受，猶以手承君之手下，如初送玉者然。防

主君握之，或未固也。君轉身而後退，則必無

隕隊之虞矣。蓋致已之慤恭，兼防受者之失。

誤也注疏

恐非是

下階發氣怡焉再三舉足又趨

發氣

出息也再三舉足自安定乃復趨也

至此云舉足則志趨時卷豚行也

及門正

焉

容色復故此皆心變見於威儀

執圭入門鞠躬焉如恐失

之

記一說也

皇且行入門主敬升堂主慎

又記一說也

士讓按聘禮所記文體與玉藻鄉黨

諸篇相似大旨曰敬慎威儀而已

擯者出請

擬賓賓

賓謁奉束帛加璧享擯者入告

出許

壁降於圭故謁而奉之以行禮許受之

庭實皮則攝之毛在

內內攝之入設也

攝皮說見士昏禮入設之參分庭一在南

賓入門

左揖讓如初。升致命張皮。

執皮者張皮以賓升堂致命授幣時為節

公再拜受幣。士受皮者自後右客。

幣則受玉矣

自由也。士從東方來由客後西居其左受皮也。執皮既授亦自前西而出與牽馬者同。

賓

出當之坐攝之。

象受于賓

公側授宰幣皮如入右首

而東。

皮如入左在前也。皮右首者變于生執或曰右當作左字之誤也。執皮者左在前則

皮亦當左首矣。與士昏禮皮左首同。惠氏天牧曰皮四張執者初時行在前者立在左此受

者東行立在左者行在前故云如入。

右享禮

及享發氣焉盈容

有容色也

衆介北面

踰焉

容貌舒揚也。記曰士踰踰。

凡庭實隨入左先皮馬相

聞可也

隨入不並行也。左先西為上左入先陳也。開代也。土物有宜君子不以所

無為禮畜獸同類可以相代

賓之幣唯馬出其餘皆東

馬出

當從廐餘物皆

若君不見使大夫受

君或有疾若他

東藏之內府故不見使者則使

自下聽命自西階升受

上大夫卿受聘享

右房而立賓降亦降

此儀如還圭然但不賓大夫易處耳

古文禮作醴不禮辟正主也使大夫代受則

醴賓之禮自不可行必言之者嫌既受聘享

當醴之也士讓按有代受

之法所以無留賓廢事之愆

聘于夫人用璋享用琮如初禮。

如公立于中庭以下君代受之

禮與已所受者同以夫妻一體也不言束帛加琮省文耳。

右聘享夫人辭君以社稷故在寡小君拜

士讓按拜字另讀辭乃擯者贊君謝之辭拜乃君拜之

若有言則以束帛如享禮。

有言有所告請若有所問也因聘以達之

故卒聘而後行此禮如秦伯使西乞術來聘且言將伐晉之類

右有言若有故則卒聘束帛加書將命百

名以上書於策不及百名書於方

故謂災患及時事相

告請也。將猶致也。名書文。今謂之字。策衆簡相連者。方板也。不編連者。其策方之長短。及書行之字數。俱未詳。主人使人與客讀諸門外。主人國內史也。書必璽之。于是啓之。敖氏曰。必與客讀之者。欲其審也。不於內讀之者。公受書。客降則出矣。無其節也。

擯者出請事。賓告事畢。公事畢。賓奉束錦以請覲。

覲見也。臣從君行。不得私覲。此特行聘。則得私覲。以致歡敬。非外交之比也。擯者入

告出辭。以待賓。以賓行聘享大禮。未有禮賓。故辭。請禮賓。賓禮辭

聽命。擯者入告。告賓許也。請禮之禮。當作醴。宰夫徹几改筵。

宰夫又掌賓客之飲食者。禮賓宜親之。几漆几筵。賓蒲筵。常緇布純。加萑席。彝玄帛純。徹神几。改神筵。而更布之。束為上。公出迎賓以入。揖讓如初。公出迎更端。公升側受几于序端。宰夫內拂几三。奉兩端以進。內拂之。不欲塵坻尊者。公東南鄉。外拂几三。卒振袂中攝之。進西鄉。中攝之。擬賓兩手在也。三禮館議。宰夫內拂几。而公外拂。相變也。卒拂而後攝之。則拂時猶宰夫執之也。有司徹主人。二手橫執几。尸二手受于手閒。擯者告。告此中攝之。君禮異也。振袂去塵也。賓告以公。賓進。訝受几于筵前。東面俟。未設也。俟公授几。公拜。公

壹拜送。

公尊也。壹拜當空首。

賓以几辟。

辟位。遂遁。

北面設几，不

降，階上答再拜稽首。

不降者，未成禮也。

几賓左。敖氏繼公曰：醴賓之

禮以用幣之時為盛。此授几與下授醴，皆不降拜，辟盛禮也。故至受幣乃降。

宰夫實

解以醴，加枏于解，面枏。

酌以授君也。君不自酌，尊也。宰夫亦洗升實解。

以醴自東箱來。經不言洗，畧也。枏，枏之小端。面前也。

公側受醴。

將以飲賓。公不迎受。

亦面枏。

賓不降，壹拜。進筵前受醴，復位。公拜送醴。

賓壹拜者，醴賓以少為貴。一拜亦受醴之通禮。

必著之者，嫌賓當再拜稽首也。授几答公拜，則

再受醴乃先拜。故只壹

拜。位，西階上北面位。

宰夫薦籩豆脯醢，賓升

筵。擯者退負東塾。

擯者至此方退，則是送几授醴之類，皆擯者告之矣。經不

盡見之也。凡擯者之退，近則中庭，遠則負塾，視後事之久速為節。

賓祭脯醢以

杞祭醴三庭實設。

賓祭醴而庭實設，以為節也。下公用束帛及擯者進之節。

皆放此。庭實乘馬。

降筵北面，以杞兼諸觶，尚撮坐啐醴。

降筵就西階上也。撮，葉也。杞之兩端為葉。以杞兼并於觶，葉向上，兩手捧而啐之。

公用

束帛。

致幣也。言川，尊于下也。亦受于序端。

建杞北面奠于薦東。

禮。

不卒。士讓按建杞而奠為行醴畢，將受幣。

擯者進相幣，賓降辭幣。

公降一等辭。

賓不敢當公禮。公辭賓降。

栗階升聽命。

趨君命，尚疾其

始升連步於上
二等則栗階
降拜公辭
賓降拜受公不
升再

拜稽首受幣當東楹北面
受幣當東楹視為君將幣者又過東矣北

面從臣禮以退東面俟
俟君公壹拜賓降也公

再拜
不俟公再拜者不敢當公
賓執左馬以出

受尊者禮宜親之也
效馬者并左右勒授之餘

三馬主人牽者從出
放氏繼公曰左馬者上

也故賓親執之然則主人之上介受賓幣從者

庭實亦設于西方而西上也
上介受賓幣從者

右禮賓
醴尊于東箱
東夾瓦大一有豐
瓦

瓦尊。豐。承尊。薦脯五臠。祭牛臠橫之。臠。脯如版狀。或

謂之臠。皆取直貌。祭醴再扱。始扱一祭。卒再祭。卒謂後扱。

禮成。主人之庭實。則主人遂以出。賓之士訝

受之。左馬一賓執以出矣。餘尚三馬士介從者訝受。

賓覲。奉束錦。總乘馬。二人贊。入門右北面奠幣。

再拜稽首。不請不辭者。嚮時已請也。覲用束錦。避享幣也。總。總八轡牽之。贊者。有司

之屬。二人贊。各居兩馬間。以手扣馬也。入門擯

者辭。辭以臣禮見。敖氏繼公曰。不以客禮見。故庭實在後。且奠幣于入門右之位而不

敢授也。賓稽首，公不答拜，不受此禮也。賓出擯者坐取幣出，有司

二人牽馬以從，出門西面于東塾南，擯者請受。

取幣牽馬出，不當其

臣禮，請以客禮受。

賓禮辭聽命，牽馬右之，受。

其幣贊者受馬，右之，則人居馬左。

任右手便，牽者四人，不須總之也。入設，庭實先

禮也。賓奉幣入門左，介皆入門左，西上，以客禮見

也。賓奉幣入門左，介皆入門左，西上，入可從介

矣。此當自聞西，然則玉藻所云

私事自聞東者，但據始覲言也。公揖讓如初，升

公北面再拜，以客禮新之，亦以鄉者賓

再拜稽首，不可以不答之。賓三退

反還，負序振幣進授，當東楹北面，反還者，不敢

與授主同言

禮記集說卷之八

卷之八

三

進授則君

受之矣

士受馬者自前還牽者後適其右受

受馬自前變於

享禮受皮自後

牽馬者自前西乃出

牽馬者皆

出

賓降階東拜送君辭

由西階降至階東以君

此拜送者以私

親致已物也

拜也君降一等辭

君雖辭而

者曰寡君從子雖將拜起也

當賓拜而損

柴階

升

賓

公西鄉賓階上再拜稽首

成

公少退

示

賓

降出公側授宰幣馬出

廟中宜淨不言幣出

公

降立

如上享幣以東藏之

右私覲

私覲愉愉焉。

和也。

出如舒鴈。

舒鴈，和也。威儀。

自然而有行列。出廟門。

既覲，賓若私獻，奉獻

外，行步又舒緩於愉愉。

將命。

士讓按覲與獻，皆臣私禮。但覲有常物，如經所云束錦乘馬是也。獻無常物，時

有珍異，或賓奉之。記云若者，不定之辭。

然臣統於君，猶以君命致此無私之義。擯者

入告，出禮辭。賓東面坐奠獻，再拜稽首。

奠而不入。

禮輕。擯者東面坐取獻，舉以入告。出禮請受。

取坐。

獻者以賓固辭。公答再拜。擯者立于闕外以

相拜。賓辟。擯者授宰夫于中庭。

東藏之。既乃介覲。士讓。

按受只禮請辭必同辭殺也相拜立
于闕外則內得贊君相外得視賓
若兄弟

之國則問夫人
兄弟兼同姓及昏姻之親言
問亦獻也。不云獻變於君。

擯者出請上介奉束錦士介四人皆奉玉錦束。

請覲。玉錦錦之文擯者入告出許上介奉幣儷

皮二人贊。儷兩也上介用皮變於賓也皮麋鹿

贊者與上同賓卿也私覲之庭實用乘馬上介

大夫也用儷皮士介不用庭實禮之差等宜然皆入門右東上奠幣皆再拜稽首。上介士介尊

者不敢自分別上介若特入是與賓初擯者辭。覲之禮同皆者衆介也贊者奠皮出。

介逆出。

辭辭其臣禮。逆出，事畢也。

擯者執上幣。士執衆幣。有

司二人舉皮從其幣。出請受。

請于上介，欲以客禮受，目下事也。此

時擯未

委皮南面。執幣者西面北上。擯者請受。

釋辭。

此請受，乃擯者釋辭也。

委皮當門。請請于上介。介禮辭，聽命。皆進，訝受

其幣。上介奉幣，皮先入門左，奠皮。

聽請受之命者，上介也。而

士介亦皆訝受其幣。統于尊者，不敢異也。皮先

者，介隨執皮者而入也。入門左，介至揖位而立。

執皮者奠皮，若

公再拜。

拜于中庭也。不

介振幣。

不敢授者然。

自皮西進，北面授幣。退復位，再拜稽首送幣。

進者

北行參分庭一而東介出宰自公左受幣。不側

行當君乃復北行也。受介

禮輕公不離位宰有司二人坐舉皮以東。受上

就而受之殺於賓。介禮

已擯者又納士介。出道

稽首。終不敢以

出禮請受賓固辭。禮請受者西面請於士介也。

皆辟。四人辟于其東面位逡遁必著此者嫌旅

以相拜。西面公乃遙答拜也相者贊告之士介

通於主君固字疑。公答再拜擯者出立于門中

衍當如而于大夫。公答再拜擯者出立于門中

皆辟。四人辟于其東面位逡遁必著此者嫌旅

以相拜。西面公乃遙答拜也相者贊告之士介

通於主君固字疑。公答再拜擯者出立于門中

衍當如而于大夫。公答再拜擯者出立于門中

氏曰正聘時公拜賓雖三退負序而面猶向公
私覲及還負序則退時轉面西鄉不敢見君之
拜也及序而後東鄉則君之拜已畢矣至士介
則公拜于庭中而士辟於門外辟之中亦有差
焉惟上介之辟無文蓋儀與賓同可比類而知
侯擯者執所也擯者進就公宰夫受幣于中庭以東
上幣來也所也使宰夫受士介幣輕也受之于公左賓幣公側
授宰上介幣宰受于公左士介幣宰夫授于擯
者敬執幣者序從之宰夫受上幣士三人執
之差所取幣以序從宰夫也

右介私覲

擯者出請賓告事畢

事畢謂公私之事俱畢

擯者入告公

出送賓。

此時賓及介皆在廟門外。賓接西塾東面。介在其西南。亦東面。公出三楹。亦序。

從之。及大門內。公問君。

鄉以公禮將事。未暇問也。賓至始入門之位。北面將。

揖而出。衆介亦在其右。少退。西上。時承摯。紹摯。

亦於門東北面。東上。而上。摯北面。往來賓主間。

於此可以問君。居賓對。公再拜。拜其無恙。公

處何如。序殷勤也。賓對。公再拜。拜賓亦辟。公

問大夫。賓對。公勞賓。賓再拜稽首。公答拜。勞以

之勤。士讓按。但言問大夫。則上大夫卿該

之。於君則再拜其無恙。於大夫問之而已。公

勞介。介皆再拜稽首。公答拜。賓出。公再拜送。賓

不顧。公既拜。賓趨辟。賓出。上摯反告賓不顧。所

以紆君敬也。於此君可以反路寢矣。教

氏繼公曰凡主人拜送賓賓皆不顧亦遂逝義經不盡見之者明于尊者之禮如此則其餘可知賓請有事於大夫也上不擯送賓出賓因東面請之曰有事於某子某子擯者反命因出告之此先請命至明日乃行之也士讓按有事必請于君義公禮辭許一賓即館即就也無私交也公禮辭許一賓即館少休息

右公送賓問君勞賓介賓即館訝將公命

訝秋官職賓入館訝次于舍門外待事于客有事通傳于君又見之以其

摯訝以私禮見賓為將通命宜相親也大夫訝執雁士訝執雉

卿大夫勞賓賓不見以已問大夫等事未大夫

奠雁再拜上介受。

士相見禮上大夫相見以羔此卿與大夫同奠雁何也平

時執贄相見以羔此因聘而勞上介亦如之敖

勞故概用雁變于相見也繼公曰卿亦同大夫執雁以勞於其館上介亦不見士介為受雁

右卿大夫勞幣之所及皆勞不釋服。

主國之臣

既有與賓接于君所又備聞請有事于某子某子則主道宜先施矣其為賓幣所不及者若勞則嫌于相于也服不釋者雖不相見不敢自褻也

君使卿韋弁歸饔餼五牢。

變皮弁服韋弁敬也韋弁韎韋之弁赤色

兵服也而服之者皮去毛熟治則曰韋取相近耳韋弁解於皮弁其服蓋韎布以為衣而素裳

牲殺曰饗。生曰餼。士讓按韋弁。荀子士韋弁

注謂以爵韋為韞而戴弁。又敖氏繼公曰韋弁

卽爵弁也。其服純衣纁裳。韎韐纁屨。此卽士冠

三加一稱之服。與鄭注異。今備載之。俟考。饗餼

五牢者。饗兼任與腥之目。餼亦有任腥。上介請

但饗為備耳。生牲曰餼。餼禮則無之。

事賓朝服禮辭。受之當以皮弁服。今朝服者示不敢受之意。有司入

陳。敖氏繼公曰賓禮辭而許乃入陳。饗。對餼而言。皆死牢列之以鼎者。飪一牢

鼎九。設于西階前。陪鼎當內廉。東面北上。上當

碑南。陳牛、羊、豕、魚、腊、腸胃、同鼎。膚、鮮魚、鮮腊、設

局鼎。腳、臠、臠蓋。陪牛羊豕。設饗先西方。統於賓也。飪熟者。凡饗餼之

牛雖有多寡而飪惟一牢則同是以少爲貴然鼎九且有陪鼎則又以多爲貴矣鼎有陪者庶羞加也當內廉謂西階之東廉辟堂塗行處東西節也上當碑飪鼎以牛爲上陪鼎以牼爲上南北節也腸胃次牼以其出于牛羊也膚豕肉也此饌先陳其位後言其次重大禮詳之也碑石爲之居庭東西南北之中所以測日景別陰陽者席祭則以麗牲焉自天子諸侯卿大夫士廟皆有碑庠序之庭亦有之相揖每以爲節石饌官氏曰陪鼎羞鼎卽鉶鼎所盛者羹也周禮羹齊視夏時取其熱也正鼎用鼎陪鼎用蓋相對立文敖氏以爲發語辭恐誤士讓按五牢之序先飪次及腥次乃及餼賓入館腥二牢先用熟者次用腥者餼則留以代匱也

鼎二七無鮮魚鮮腊設于阼階前西面南陳如

飪鼎二列。腥殺者。三禮館議鼎二列，一列在

俱北上當碑。阼階前少西，一列亦當阼階之內廉。

鼎二七者，每牢各七鼎也。陳之序如飪鼎。堂上

八豆，設于戶西。西陳，皆二以竝。東上韭菹，其南

醯醢。屈。戶室戶也。東上殊于公食大夫之西上。

則見其錯焉。八豆之數，惟言韭菹醢醢，文省耳。

云屈者，言設餘豆之法。士讓按設豆之法，皆

一菹一醢相開而為列。周禮朝事之豆八，韭菹

醢醢，昌本麋臠，菁菹，鹿臠，茆菹，麇臠，是也。云柏

者，以東北方韭菹列起，而東南方則為醢醢。南

之西為昌本。昌本之北麋臠，又西為菁菹，菁菹

南鹿臠，又西為茆菹，茆菹北麇臠。豆八，則為曲

折者四矣。凡縱橫交午觀之，無非一菹一醢焉。

八簋繼之。黍其南稷錯。

繼豆以西陳之。黍在北。八簋黍稷各四也。三

禮館議。屈與錯畧同。但一菹一醢相閒陳之。豆實各異。則為屈。一黍一稷亦相閒陳之。黍稷惟

二。則為

六鉶繼之。牛以西。羊豕南。牛以東。羊

錯耳。

豕。

鉶。羹器也。不言絳屈錯者。絳文自具見也。

兩簋繼之。梁在北。

在稻北。簋

不次簋者。梁稻乃加饌也。

八壺設于西序北。上二以缶南陳。

壺。酒尊也。不錯。

敖氏繼公曰。八壺之酒。稻也。

黍也。梁也。稻黍各二壺。稻在北。黍次之。梁四壺又次之。蓋如設官米之例也。云北上南陳。統子

豆也。

士讓按經中陳饌有錯有屈有絳有次

有特有缶。絳亦屈也。但屈者句而曲陳之。絳則第屈陳之。不為句。陳訖則曲折相似耳。錯者。閒

而雜之也。如橫寫父字之形。次者，不錯不紒，以次相亞也。特者，陳饌欲方，以其餘附于旁，斯方矣。並者，二以併也。陳豆以紒以屈。陳簋以錯，陳俎以次，而膚以爲特，惟二以併之。陳則甚多矣。選豆之事，存于有司。西夾六豆，設于西墉下，北

皆有序而不苟焉。

上韭菹，其東醯醢。屈六簋繼之。黍，其東稷，錯四

鉶繼之。牛以南羊。羊東豕。豕以北牛。兩簋繼之。梁在西，皆二以並。南陳六壺。西上二以並。東陳

六豆者，西先設韭菹，其東醯醢。又南昌本，曰木西麋膳。又南菁菹。菁菹，東麋膳。此亦取朝事之豆。其六簋四鉶兩簋以次，而南陳之六壺。陳在北墉下，則統於豆也。敖氏繼公曰：鼎俎奇而

豆簋偶九鼎自三以上則豆簋之數率降于鼎者一。銅之數率降于豆簋者兩。故此飪鼎九則堂上之饌八而銅六。腥鼎七則東西夾之饌六而銅四也。一半則兩簋故堂上兩夾之數同。六壺者稻酒黍酒梁酒各二壺也。饌于東方亦如壺不著其所蓋近簋而設之歟。饌于東方亦如之。東夾西北上之者嫌與西夾對或從東壁南陳以東北壺東上西陳亦近于簋而設之歟。爲上也。壺東上西陳士讓按朱子云東西之饌自簋以上皆南陳惟壺東西陳之。又敖氏云堂上之饌皆屬飪牢。東西夾之饌皆屬腥牢。蓋腥牢有二皆西面北上故東西夾有兩饌亦皆西北上也。又按西統于賓故飪先陳在西堂上之饌亦于西。西醢醢百饈夾碑十以爲列醢在夾之饌亦先叙醢醢百饈夾碑十以爲列醢在

東。

夾碑居飪鼎腥鼎之中央也。醢本于穀陽也。

故在東。醢本於肉陰也。故在西。甕瓦器蓋實

斗二升。云百甕蓋醢醢各半。士讓按醢醢二

物乃飪腥與醢諸品所宜相調和者故叙次于

飪腥之後以見為百物之所需也。周禮醢人醢

人掌凡醢醬之物百二十甕。經所云百甕諸物

皆統之矣。醢二牢陳于門西北面東上牛以西羊豕

豕西牛羊豕。

醢生牲也。牛羊右手牽之豕東之

之醢陳于內以與飪腥宜相近且門外別有陳

不足以容也。二牢為一列變於腥。士讓按此

亦於門西皆米百筥筥半斛設于中庭十以為

取尚賓之義。

列北上黍梁稻皆二行稷四行

十斗曰斛中庭南北之中也十

以為列東西為列。北上當醯醢南。黍兩行在北。次梁兩行。次稻兩行。次南稷四行。自東而西橫陳之。上醯醢百簋。則自北而南。直陳之也。放氏繼公曰。簋從儗。饗從饗。門外米三

十車。車乘有五簋。設于門東。為三列。東陳。大夫

米禾皆視死牢。今飪一牢。腥二牢。合三牢而米

禾皆三十車。是視之也。乘簋皆數名。十斗曰斛。

十六斗曰簋。十簋曰乘。乘十六斛。禾三十車。車三

斛。乘有五簋。通為二十四斛。禾三十車。車三

耗。設于門西。西陳。耗則千二百乘。新芻倍禾。倍

者以其用多也。薪從米。芻從禾。東陳西轅。西陳

東轅。三禮館議。薪在米之東。芻在禾之西。稍

離之。亦如米禾陳法。而三列倍為六列耳。四者

之車皆人輓。非駕牛馬者。鄭氏康成曰。凡此

所以厚重禮也。聘義曰：古之用財如此其厚者，言盡之于禮也。盡之于禮，則內君臣不相陵，而外不相侵。故天子制之，而諸侯務焉耳。望溪方氏曰：卿大夫聘于隣國，禮幣畧與君行等。則車徒亦不能過損。故供積之厚，亦稱所用而為之具耳。堂上之饌，加隆于東西。賓之祭其祖考，資于是，禮之即此。賓皮弁迎大夫于外門外，再拜于人心也如此。大夫不答拜。大夫即上卿韋弁者，賓不韋弁，揖嫌其加于致君命時之服也。揖入及廟門，賓揖入。本經記云：卿館于大夫，有在廟者，揖入，省內事。俟于門內。大夫奉束帛。執以將命。入三揖皆行。皆猶並也。使者尊，不後主人。至于階，讓大夫先升一等。士讓按讓古文作三讓，當從古文。賓

從升堂北面聽命。

北面阼階上也。

大夫東面致命。賓降。

階西再拜稽首。拜餼亦如之。

大夫以束帛同致饗餼。賓殊拜之。敬。

重君之禮也。

士讓按賓升堂聽命必北面者。

雖賓亦臣也。大夫致命必東面者。主中賓也。賓。

稽首於阼階西。不干階東者。雖暫。

大夫辭升成。

為主。仍是賓。不敢有人之宗廟也。

拜。亦饗餼異拜也。

受幣堂中西北面。

趨主君命也。堂中西。

中央。

大夫降出。賓降授老幣。出迎大夫。

老。家臣也。賓出。

之西。

迎欲。

大夫禮辭許入揖讓如初。賓升一等。大夫

從升堂。

賓先升。敵也。皆北面。夫致命則先升一等。崇主君之體也。

望溪方氏曰。大。

饋大夫則先升一等。從主人之常也。庭實設馬乘。乘四也。亦設于西方。賓降

堂受老束錦。大夫止。望溪方氏曰：敵者之禮，主人降，賓必從而大夫止。何

也。奉君命歸饗餼幣，雖已所受而禮則為答君之貺。故不降以存國體。而亦以達賓之意也。

賓奉幣西面。大夫東面。賓致幣。大夫對北面當

楮再拜稽首。士讓按：上經具幣齎，凡幣皆出之公，非私物也。此致幣亦致君命，但

比正禮為輕耳。注謂非君命，恐誤。又以稽首為尊國客，亦未當。凡非對君，不稽首。此稽首者，如

對聘君拜所賜然也。與受幣于楹閒南面退東

郊勞致幣勞者稽首同。

面俟。賓再拜稽首送幣。大夫降執左馬以出。望溪

方氏曰。大夫受僎幣南面。以所將者主君之命也。然受幣雖南面。而將受則北面。再拜稽首。以致幣者賓。而實友邦君之賜也。同等宜再拜而不稽首。大夫既稽首拜受。則賓亦宜稽首拜送。非是則不稱。賓送于外門外。再拜。明日賓拜于朝拜。

饗與餼皆再拜稽首。

拜惠於大門外。亦皮弁服。訝聽之。

上介饗

餼三牢。飪一牢在西。鼎七。羞鼎三。

三牢降以兩也。飪鼎七。無

鮮魚。鮮腊也。賓介異館。

士讓按歸饗餼先及

賓而後及介。固禮之序然。亦時事當如此。方歸

賓饗餼時。上介在賓館爲之請事入

告。必賓禮明而後能卽已。館受禮也。腥一牢在

東。鼎七。堂上之饌六。

六者賓西夾之數。

西夾亦如之。簋

及糴如上賓。

西夾饌亦六，不設於東夾，以腥牢惟一耳。其所不貶者，尊上介如賓。

也。餼一牢。門外米禾視死牢。牢十車薪芻倍禾。

凡其實與陳如上賓。

凡謂凡餼以下

下大夫韋弁用束

帛致之上介韋弁以受如賓禮。

下大夫致之使人各以其爵也。

介不皮弁者以其受大禮如賓不敢純如賓也。

儻之兩馬束錦。

士讓按儻卿馬

乘此以兩是其降差。

士介四人皆餼大牢米百筥設于門

外。牢在其南東上。米設當門亦十為列北上。教氏繼公曰：惟有餼與筥

米則筥從餼而糴從糴又可見矣。三禮館議凡古禮陳于門外者皆東上有對則或西上耳。

在并糸角

卷一

注謂宰西

上非也

宰夫朝服牽牛以致之

使宰夫亦以其爵也宰夫

士故宜朝服牛執紼牽之東面致命無束帛署

之士介西面拜迎此有生餼無死牢則無芻薪

米禾之

士介朝服北面再拜稽首受

受於牢東

陳矣

適宰夫有受由前東面授從者知然者前君使

拜自牢後

士受私覲之馬適其右受知此亦在右受矣

無償大夫以上乃有餼禮必著之者嫌士受若

亦各如其受之服此既受拜送之矣明日衆介

從賓以拜于朝

右歸饗餼

聘曰致饗

急歸

大禮

十斗曰斛十六

斗曰簸

十簸曰秉

秉十

二百四十斗

一車之

六斛

米秉有

斗曰簸

十簸曰秉

二百四十斗

一車之

五

簋

四秉曰筥。

此秉謂刈禾盈手之秉也。筥，齊名也。萊易之閒刈稻聚把名爲

筥。

詩云彼有遺秉。

十筥曰稷。

十稷曰秬。四百

又云此有不斂穧。

秉爲一秬。一車之禾三秬爲千二

餼筮一尸。

若昭若穆。羹飪，飪一牢之肉羹也。禮之盛者宜以祭先。

筮

尸若昭若穆容父在。父在則祭祖。父卒則祭

廟。腥餼不祭則士介不祭可知也。大夫筮尸祭然後敢食之。尊神以求福也。

孝孫某孝子某薦嘉禮于皇祖某甫皇考某

子。僕爲祝者祝不從出大夫之臣攝官也。云

孝孫孝子皇祖皇考以上記若昭若穆故

聘禮

聘禮

聘禮

聘禮

聘禮

聘禮

聘禮

聘禮

亦兩言之。石經官氏曰：聘使既受行，見宰問幾月之資，可見行役或踰時。踰時必至廢祭，故四與國之君致饗而筮尸以祭，既可展為子者之孝思，又以榮友邦之盛禮，且亦自甘不獻之尊親，不敢先嘗之。如饋食之禮，少牢饋食之禮，不言少牢，今以大牢也。士讓按此因事而祭，故惟筮尸無筮日，又無主婦助祭，且館于大夫之廟。記云：如者，亦畧放饋食禮意耳。假器於大夫，不敢以君之器為祭器。士讓按為聘使者，不得將已之祭器以行，必假於大夫者，爵同也。知聘使不得以祭器行者，曲禮云：大夫寓祭器於大夫，士寓祭器於士。去國冀反者如此，則出聘者祭，盼肉及廋車。盼，即歸胙之意。廋，廋器自若也。盼肉及廋車。人車，巾車，二人掌視。

車馬之官。盼及之。明徧也。士無饗。無饗者無餼。謂止歸餼也。無

饗者無饗禮。士介也。凡賓拜于朝。訝聽之。拜。拜也。

唯米粟芻薪之稍。不拜。歸大禮之日。既受饗餼。請觀。聘於

是國。欲見其宗廟之美。百官之富。晉韓起聘魯。觀書於太史氏。是事也。士讓按聘禮有

請觀之舉。何古道之信睦也。敖氏疑聘日不給。且訛非禮。以為記文之誤。不知此舉乃于

歸大禮之日。請於歸饗餼之卿。以達於若而己。非即日觀也。亦如上經賓請有事於大夫

非即日訝帥之。自下門入。帥猶道也。從下門外入。游觀非正也。

賓朝服問卿。不皮弁。別於主君。卿每國三人。卿受于祖廟。重賓禮也。

祖王父也。三禮館議常禮行于國廟此受于

祖廟尊之也。意天子之聘使有問卿者則當受

之于太。下大夫擯。擯者出請事。下大夫擯公使

祖廟與。下大夫擯。擯者出請事。為之也必使下

大夫者欲與上介之爵相。大夫朝服迎于外門

當也。無上擯者降而後也。大夫朝服迎于外門

外再拜。自此以下所稱大夫。賓不答拜。揖大夫

先入每門每曲揖及廟門大夫揖入。入者省內

俟于門屋之下不俟于庭辟君也。士讓按大

夫二門入大門東曲又北曲而至都宮門然後

及廟門疏仍主廟。擯者請命。亦從入而出請庭

制一列之說誤。不几筵辟君也。庭

實設四皮。麋鹿也。賓奉束帛入三揖皆行至下階

實設四皮。麋鹿也。賓奉束帛入三揖皆行至下階

實設四皮。麋鹿也。賓奉束帛入三揖皆行至下階

實設四皮。麋鹿也。賓奉束帛入三揖皆行至下階

讓

皆猶並也。古文曰三讓。

賓升一等。大夫從。升堂北面聽

命。

賓先升。使者尊。

賓東面致命。

致其命。

大夫降階西再拜

稽首。賓辭升成拜。受幣堂中西北面。

於堂中之西受幣。趨

聘君之命。

士讓按上言賓致命。則亦君命也。大夫稽首者。如見聘君然。非為賓也。

賓降

出。大夫降授老幣。無償。

不償賓。聘君也。

右問卿。明日問大夫。

不以殘日問人。崇敬也。

大夫不

敢辭。君初為之辭矣。

上經賓請有事於大夫。君禮辭許。

辭。君

貺寡君。延及二三老拜。

貺。賜也。大夫曰老。

擯者出請事實面如覲幣。

賓私覲用束錦乘馬。則私面亦用束帛乘

馬。

士讓按先問而後面先公而後私也於主

君曰享曰覲此曰問曰面辟享覲之名也私面

無稽首之節則上經凡賓奉幣庭實從。

庭實四

稽首為尊君更可見矣幣。入門右大夫辭。

雖敵賓猶入門右為若降等然大夫自階下辭迎之不出

門以面與問禮相因也凡自敵以賓遂左庭實

下客禮相因而行者惟于內俟之設揖讓如初。

大夫至庭中迴旋與賓揖而並行北面言如初者大夫不出門唯有

庭中一揖至大夫升一等賓從之。

先升大夫西

碑又揖耳面賓稱面。

稱舉也舉相見之辭以相接敵者之禮大夫對北面當

櫓再拜。受幣于楹。開南面，退西面立。受于楹，開敵也。賓不
振幣，進北面授。望溪方氏曰：問卿，賓東面致命，而南面授幣。私而大夫北面拜禮，而南面受幣，皆禮意之曲而當者。賓當櫓再拜送幣，降出。大夫降授老幣。

右賓私面於卿

擯者出請事。上介特面，幣如覲。介奉幣。特面者，從以入也。上介言特面，則賓問卿與私面，介皆從可知。皮二人贊。亦僮入
門右，奠幣再拜。降大夫辭，於辭時上介擯者反

幣。

出還于上介請受。上介受之。

庭實設。介奉幣入。大夫揖讓。

如初。

大夫亦先升一等。

介升大夫再拜受。

亦于楹間南面受之。介

降拜。大夫降辭。介升再拜送幣。

介既送幣降出。大夫亦授老幣。

也。自擯者出請事至此。上介私面於卿之禮畢。

擯者出請衆介面如覲。

幣入門右。奠幣皆再拜。大夫辭。介逆出。擯者執

上幣出。禮請受賓辭。

賓亦爲士介辭。大夫於士介亦親辭。辟君也。士讓

按賓而則于大夫辭。遂左。上介面於大夫辭。乃奉幣入衆介面於大夫辭。逆出。而賓代辭。皆分

之。大夫答再拜。擯者執上幣立于門中以相拜。

禮又降等士介皆辟老受擯者幣于中庭士三人坐

取羣幣以從之擯者出請事賓出大夫送于外

門外再拜賓不顧賓不顧見敵者之禮也必言之者嫌其或異于尊者也

擯者退大夫拜辱拜其屈辱相已

右介私面於卿

下大夫嘗使至者幣及之嘗使至已國則以幣問之也君子不忘舊

上介朝服三介問下大夫下大夫如卿受幣之

禮問下大夫還使上介是各於其爵易以相尊敬者三禮館議問下大夫僅三介從四介

減其一、不敢當卿禮也。不特者以問為其面如將君命，故三介從入也。三介亦朝服。賓而于卿之禮。如其禮耳。庭實則用儷皮。士介不面，亦殺於正禮。

右賓問嘗使者。幣之所及皆勞，不釋服。重出

大夫若不見。有故不得受其問禮。君使大夫各以其爵為

之受，如主人受幣禮不拜。各以其爵。主人卿也，則使卿。大夫也，則使

大夫代受之而不拜，不當主人禮也。必使人代受者，不可虛助君之意也。

右主國大夫有故。既將公事，賓請歸。請歸不敢

自專謙也。主國留之饗食燕戲無日數，蓋慤勤也。士讓按請歸，亦示不煩主國之意。

賓既將公事復見訝以其摯。

公事聘享問大夫也。復報也使

者及上介執雁羣介執雉各以見其訝。

夕夫人使下大夫韋弁歸禮。

夕問卿之日夕也使下大夫下于君

也。韋弁則同於卿。前夫人郊勞使下大夫此亦然。所使亦出命自君。辭稱寡小君耳。望溪方氏曰。問卿大夫既畢而後夫人歸禮何也。主君之禮已答於聘使而聘君之禮尚未達于主國之卿大夫而再受禮非使者所安。猶聘享既畢賓請覲非主君所安故辭之而請醴也。堂

上遵豆六設于戶東西上二以並東陳。

六者下君禮也。

皆設于戶東又辟饌位也。敖氏云此六豆六遵皆宜用朝事者而各去其末之二其設之之序

則豆皆在西。遵繼之而東。非蒞其南。醢醢屈以終。麤其南黃亦屈以終。不用簠簋。釐者以無牢故也。此禮主于飲。君之禮主於食。士讓案遵實多出自夫人。前郊勞以聚栗。遵實也。此六遵皆其類也。君歸饗雖百物備具。而不及遵。惟醢賓之薦有之。

壺設于東序北

上二以並南陳醢黍清皆兩壺。

醢、白酒也。凡酒稍為上。黍次之。

梁次之。皆有清白。以黍閒清白者。互相備。明三酒六壺也。先言醢白酒尊。先設之。

大夫

以束帛致之。

致夫人之命。以束帛盛之也。此禮無牢。下於朝。君親來者。

賓如

受饗之禮。儻之乘馬束錦。

以其體敵。

上介四豆四遵

四壺。受之如賓禮。

四壺無稻酒也。明從上去之。或云四豆者去菁苴鹿麋四

遵者去形鹽臠。四壺者去梁酒。蓋從下
去之。未知孰是。不言所使。下大夫可知。
馬束錦。明日賓拜禮於朝。於是乃言賓拜。明介
及士介者。以禮不可復殺。且
君於士介也。無堂上之饋矣。

右夫人歸禮於賓介。夕。夫人歸禮。與君異

君也。

大夫餼賓。大牢。米八筐。陳於門外。知者以無牢

二筐。稷四筐。二以竝。南陳。知者以歸。饔餼時推
之也。無稻。以記文無之。牲陳於後。東上。不饌於
堂庭。賓迎再拜。老牽牛以致之。老。室老。大
辟君。賓再

拜稽首受。

士讓按稽首答君之使臣來盡禮也。

老退賓再拜送。

餽賓

事畢

上介亦如之。衆介皆少牢米六簋皆士牽羊

以致之。

士邑宰也。亦大夫之貴臣。敖氏云米六簋蓋黍梁稷各二簋。於賓上介使老於

衆介使士所使者雖賤亦不可以無別。

右大夫餼賓介

凡餼大夫黍梁稷簋五斛。

謂大夫餼賓上介也。

器寡而大畧於卑者。

公於賓壹食再饗。

食主於愛饗主於敬。先後行之。隨主國禮。敖氏繼公曰

食蓋居二饗之間。

燕與羞俶獻。無常數。

羞謂禽羞熟和者。俶始也。謂四

時之新物。無常數。示恩惠。葉氏夢得曰。饗以訓恭儉。故至于再。燕與時賜。以示慈惠。故無數。賓介皆明日拜于朝。饗賓介為介。從饗獻。燕則從食。亦從拜者。為禮也。三禮館議。賓於發去之日。乃三拜。乘禽于朝。則此之拜。賜為拜饗。食燕也。羞與俶獻。上介壹食壹饗。復特行之。若不經連類及之耳。親食使大夫各以其爵朝服致之以侑幣如致饗。無儻。不親食。謂有疾及他故也。必致之者。不廢其禮也。致之必使同班。敵者易以相親敬也。致禮於卿使卿於大夫使大夫。非必命數也。饗食在廟。本無儻禮。故無儻。以酬幣亦如之。酬賓勸酒之幣也。所用蓋束帛。詩曰。承筐是將。

右食饗燕羞獻

其介爲介

饗賓於廟時君親饗之以聘之

上介爲介賓

凡致禮皆用其饗之加籩豆

謂賓

尊行敵禮

與上介也君不親饗

各以其爵朝服

謂致禮時

大

嫌加者不致故云然

夫來使無罪饗之過則餼之

親饗之樂與嘉賓爲禮也餼之

只致其生牲其致之之辭不云君之有故耳

聘義口使者聘而誤主君不親饗所以愧厲

之有**大客後至則先客不饗食致之**

卑不與尊齊禮

大客賈氏謂大國之卿

燕則上介爲賓賓爲

敖氏謂朝君義可相備

苟敬

饗食君親爲主尊賓也燕在寢又以醉爲度崇恩殺敬也賓不欲煩君禮已故

辭為賓。君聽之。從諸公之席。為親昵之坐。苟敬之義。已見燕禮篇。其介為賓。而宰夫為獻主。得禮之宜。敖氏繼公曰。君與臣燕。則宰夫為獻主矣。故不以賓為賓。而以介為賓。亦尊賓也。宰夫獻。詳見燕禮。既致饗。旬而稍。宰夫

始歸乘禽。曰如其饗餼之數。稍。稟食也。乘。謂

之屬。其歸之。以雙為數。聘義云。乘禽曰五雙。

是于賓饗餼五牢者也。若然。上介三牢。則三

雙。士介一牢。則一雙。士中曰。則二雙。中。猶聞也。不一日

牢。則一雙。士中曰。則二雙。一雙。太寡。不做也。

凡獻執一雙。委其餘于面。獻。禽獻也。執。以將命也。面。面前

禽羞俶獻比。禽羞。謂熟和者。俶獻。即聘義所

義禮別序 卷八 聘禮 已

乘禽

大夫於賓，壹饗壹食。上介若食若饗，若不親饗，

則公作大夫致之以酬幣。致食以侑幣。作使也。大夫有

故君必使其同爵者致之。列國之賓來，榮辱之事，君臣同之也。不言燕者，左傳韓宣子聘魯宴于季氏，傳無譏文，明鄰國大夫有相燕法。

右大夫饗食賓介

君使卿皮弁還玉于館。玉圭璫，聘之重禮，不敢受也。必服皮弁者，始以

此服受，不敢不終也。賓皮弁襲迎于外門外，不拜。帥大夫

以入。

帥道也。士讓按襲者，執玉必襲也。不拜者，為還玉於君，已不敢當其禮。注云：示將去，不純為主。

似非經意。

大夫升自西階，鉤楹。

鉤楹，由楹內，將南面致命也。

賓自碑內聽命，升自西階，自左南面受圭，退。

負右房而立。

敖氏繼公曰：自碑內見于庭，少北也。凡大夫於君命之主於已者，聽

命於上，乃降拜之。此聽命於下，以聽命不主於

已也。不于阼階西，辟主位也。升自西階，非受玉

之正主也。亦鉤楹由大夫之後，乃自左受之。玉

當訝受，乃南面並受之者，代受之，示異也。二臣

俱代君行禮，故皆不北面退而立。俟大夫降，

泊邛吳氏曰：經記言東房者，非一言左對右，言

東對西，非無西房也。至聘禮，明言退負右房而

立，則大夫廟有右房，無疑矣。賈氏謂不在大夫

廟於正客館故有右房。夫前此歸葬時經固曰及廟門賓揖入矣何獨於還玉而忽不在廟乎。朱子釋宮亦云當致蓋已疑東房西室之不然也。大夫降中庭賓降自

碑內東面授上介于阼階東。

大夫降出言中庭者為賓降節也。授

于阼階東者欲親見賈人藏之也。賓還于中庭西面立。

上介出請賓迎大

夫還璋如初入。

自帥入以至授介皆如之。賓雖將去出入猶東唯升堂由西階

凡介之位

賓謁迎。

至此謁為宜。

大夫賄用束紡。

賄字人財

之言也。紡紡絲為之。若周禮所謂素沙也。所以遺聘君可以為衣服相厚之至。

敖氏繼公曰

賄所以答其聘

禮玉束帛乘皮。

禮聘君也。玉璧琮也。束帛乘

故不用庭實

皮以璧琮致之。所以報享。敖氏繼公曰：不皆言迎，文又省，乘皮先設，其皮亦有攝張之節。如還玉禮，大夫出，賓送不拜。皆皆賄與禮玉也。不拜送，與不拜迎之意同，不言卿報聘君之幣者，尊卑不敵也。

右還玉報享。賄，在聘于賄。注：于讀曰為。言主國禮賓之賄。

厚薄在視聘君之厚薄以為節也。無行則重賄反幣。無行謂特來，非

歷聘也。於反幣之外，又重賄之，其敬專故報之特厚。而使歸以得禮多為榮也。客

將歸，使大夫以其束帛反命于館。為書報也。敖氏繼

公曰：大夫，即還玉之卿也。束帛言其，即使者束帛加書者也。既有言矣，以其束帛反命，蓋

以之明日君館之。既報書明日即就于館送客禮之序也。

公館賓。為賓將去親送之示殷勤且謝聘君之意。故氏繼公曰館者就其館之稱也。

公將致四者之拜也。賓辟。君朝服乘車造于廟此禮在還玉之明日。

賓辟。門乃下賓辟者不敢受國君見已上介聽命。聽命于廟門中西面擯于館懼褻也。

上介聽命。者每贊君辭則曰敢不承命告于聘享夫人之聘享問大夫送賓公皆寡君之老。

聘享夫人之聘享問大夫送賓公皆再拜。拜此四事公東面拜擯者北面贊之望溪方氏曰問大夫而主君亦拜焉示聘君為已而加禮于其老故為大夫者轉不敢私拜於賓館也。

賓不敢見而主君拜送猶始見將命而拜其至也。觀主君為大夫拜問而大夫受幣賓受大夫私儼之稽首如對友邦君其義益著

賓受大夫私儼之稽首如對友邦君其義益著

賓受大夫私儼之稽首如對友邦君其義益著

矣。又曰：觀主君於使者，將反命，總其大節而拜者四。聘君遣使時，宜再拜而送之，記無其文，而義可互見。公退，賓從請命于朝。拜主君之親送已，而命也。上介入告主君有拜聘享等事。公辭，賓退。故從而請命焉。受命于朝，臣禮也。辭其請命。周禮曰：賓從拜辱于朝。

右主君就賓館

又拜送

君就賓館時也。辭蓋曰：子將有行，寡

君敢拜送。一說：公館賓，蓋立于外門外東鄉接西塾，介聽命，蓋西面于東塾，少南歟。存參。

賓三拜乘禽於朝，訝聽之。

公館賓之明日也。發去乃拜乘禽，明已受

賜，大小無不識也。拜終於此。三拜總拜之，三拜則不稽首於禮亦宜。遂行，舍于郊。

始發且宿近郊自展輪
亦當與主國為禮於此

右賓拜賜遂行賓於館堂楹間釋四皮束

帛賓不致主人不拜賓將遂去是館留禮以禮主人所以謝之必釋

於此者明為館故也皮亦在堂禮之變也不致不拜不以將別崇新敬也

公使卿贈如覲幣贈送也如覲幣見為反報也出郊而後贈亦異於答聘君

之受于舍門外如受勞禮無償不入無償明去而宜有已也如

受勞禮以使下大夫贈上介亦如之使士贈眾

介如其覲幣大夫親贈如其面幣無償贈上介

亦如之。使人贈衆介如其面幣。

君贈上介用束帛。於衆介各用

束帛。上介之庭實如賓卿。卿親贈。謂報其面。故不嫌與君禮同。此卿所贈者皆用錦。使人贈衆介降等也。亦爲士送至竟。放氏繼公曰。司儀職向者不親受。士送至于竟。諸國之臣相爲國客其入也。三積出亦如之。聘義云。主國待客出入三積。是篇前後皆不見之。未詳。

右贈送

士饗按自君使卿朝服用束帛勞至此。傳所謂自郊勞至于贈賄也。其節

次儀文美而且多。非知禮而將之以敏者能之乎。故春秋以爲難。

使者歸及郊。請反命。

郊近郊也。告郊人使請反命於君也。必請之者不敢

徑入。恭也。請之其使次介與。

朝服載旌。

行時稅舍于此郊。今還至此。正其故服以

侯君命。敬也。出時受命。至郊。斂禮。乃入。禮祭名也。乃入

入國。下乃入。陳幣於朝。西上。上賓之。公幣私

幣皆陳。上介公幣。陳他介皆否。公幣君之賜也。私幣卿大夫之

贈者。或陳或不陳。詳尊而畧卑也。他介士介也。言他容衆從者。凡禮於已者。陳之。人臣受禮必

累於尊也。張氏爾岐曰。凡禮於束帛各加其

其君者。不陳。以使者將親執以告。庭實皮左。上經云。陳皮北首。此皮左。皮西上也。

各者。公私公南鄉。亦宰告于君。君乃卿進使者。

之幣多也。使者執圭垂纁。北面。上介執璋屈纁。立于其左。

此主於反命。不言襲裼裼可知。不言士介亦隨入可知。使者執玉常垂纁。上介執玉常屈纁。禮之相。

變。反命曰。以君命聘于某君。某君受幣于某

宮。某君再拜以享某君。某君再拜。

亦君揖使者進之。乃進反

命也。必言此者。明彼君廟受已庶不辱命。敖

氏繼公曰。聘而云受幣。古者于玉亦以幣言之。

司儀云。將幣皆指朝聘之

宰自公左受玉。

亦於

玉也。享屬于聘。故并言之。

宰自公左受玉。使者

之東。同面並受也。凡受由其

受上介瓊致命亦

左。此不右使者。因東藏之便。

如之。辭蓋曰。以君命聘於某君夫人。某君再拜

某宮。親於君辭也。

士讓按於君

執賄幣以告

云反命。此云致命。亦所以明別。

聘禮

曰某君使某子賄授宰。

某子若言高子國子也。凡使者所當以告君者。

上介取以授之。賄幣在外也。

禮玉亦如之。

亦執束幣加璧也。告曰某君使某子。

禮既告而以玉帛授宰。士從而訝受皮。

執禮幣以盡言賜禮。

張氏而岐

曰賓執郊勞之禮幣而歷舉其全以告也。

望

溪方氏曰圭璋使者所執以反命也。禮玉還在

賄幣之後。一循主國還玉時致禮之。公曰然而

不善乎。

而女也。善其能使於四方。

皆溪方氏曰然字斷句。謂其然則女於使禮果盡

善而無缺乎。喜之甚而若有難也。

士讓按使

者出聘時受命不受辭。蓋以受詞則有乖行使

之宜。然使不受辭而辭足以

授上介幣再拜稽

不辱命。宜乎克當君心也。

首。公答再拜。

不奠幣拜。辟奠贊禮。

私幣不告。

亦畧卑也。

君勞之。

再拜稽首。君答再拜。

勞其道。路勤苦。

若有獻，則曰某君

之賜也。君其以賜乎。

大夫反必獻，忠孝也。云某君之賜，所獻者其賄禮中

之物與。其以賜乎，不敢少君須也。或以之賜人可耳。

上介徒以公賜告如

上賓之禮。

徒手不執幣告公賜下賓也。如如其盡言賜禮。

君勞之再拜

稽首。君答拜。

君答只一拜。所云奇拜也。

勞士介亦如之。

士介四人

旅答一拜

君使宰賜使者幣。使者再拜稽首。

以所陳幣賜之

也。禮臣子人賜之而必獻之君父，不敢自私也。君父因以予之，則拜受之，如更受賜也。既拜，宰

以所陳幣授之。賜介介皆再拜稽首。士介之幣皆載以造朝不陳之耳與
上介同受賜命俱拜不乃退。退謂賓介也君後
特命上介降于使者也。乃退入可知是時君先
使者而出故亦後之。介皆送至于使者之門將
而入與受命之時同。侯于門反又送于門
與尊長出入之禮也。乃退揖揖別也凡退者不
者使者拜其辱。隨謝之也亦于門外之
左再拜上介三拜士介

右歸反命

釋幣于門。門大門也布席于闕西闕外東面約
方出禮于行。入禮于門
不兩告告所先見也。乃至于禰筵几于室薦

脯醢

告反也。薦進也。人子反必面之義亦司宮設席于奧東面右几。

几則祝先主人入主人入

敖氏

繼公曰既筵

在右贊者乃盥薦脯醢

觴酒陳

祭禮也。陳者

奠于薦南也。行而釋幣以禱祈也。反而薦陳以

祠報也。禮相變。士讓按全經盛酒稱觴者獨

此。席于阼。

為酢主人位也。祝取爵酌不酢於室

人于室。此無尺

薦脯醢

雖無俎亦薦脯醢

三獻

故知祝酢之

薦脯醢

于主人以成禮

三獻

無尺蓋室老亞獻士三獻

一人舉爵

三獻禮

爵相次而南獻畢酌自酢

一人舉爵

成欲獻

從者故別起酬酒主人翼之

獻從者

從者家臣

未舉待諸獻後乃行酬耳

獻從者

從者家臣

主人獻之勞之也皆升飲酒

行酬乃出

此所謂

於西階上不使人獻

辟國君

行酬乃出

飲至也

粵豐

主人舉奠酬從者下辯。望溪方氏曰：古人御下，非獨恤之，必接以禮。國卿行役歸，告禰廟，必先獻從者，而後入見家人。師出而反，王親弔勞。士庶子，大司馬相，所以誠無不通，而人忘其死也。上介至，亦如之。如其釋幣告至也。士讓按介，然反必告之義，人子所同。當于經外求之。

右禮門及禰

士讓按：自篇首至此，皆叙聘之正禮。以下則預言其變者。

聘遭喪入竟則遂也

遭喪，主國君薨也。入竟則遂，為其已承主國君之命。

也。君使士請事，乃以入境。闕人未告，則反。春秋傳：季文子將聘晉，使求遭喪之禮以行。不

郊勞

子未君也。聘不主於嗣君，使人郊勞，則不嫌也。不郊勞，則夫人亦不使大夫勞矣。不

筵几。敖氏云此亦受於廟。不筵几者變於君親受之禮。士讓按注以為就尸柩於殯宮。

又不神之。則以不筵几謂為新死者矣。然是時

聘賓若就殯宮則孝子衰麻非所以接弁冕即

當喪未君不接使大夫接亦吉凶同所聘禮不

若弔禮可乎。敖氏以為亦受于廟其說長。

禮賓。喪降事不以醴酒禮賓。主人畢歸禮。謂飡饗饗食也。賓所飲食不

可廢賓唯饗餼之受。受饗餼則飡亦受可知。飡其細者也。饗食是加禮不受者

以主人有喪不宜饗食已。不賄不禮玉不贈。賄與禮玉主君以報聘君者既

薨則難為辭故闕之。贈以答私觀遭喪不私觀

亦不宜贈。望溪方氏曰受而不報以俟喪畢

而報聘。遭夫人世子之喪君不受使大夫受于

可耳。

可耳。

可耳。

廟其他如遭君喪

夫人世子喪君為喪主使大夫受聘禮不以凶接吉也上

文君喪使大夫受于廟可知矣其

遭喪將命于

大夫主人長衣練冠以受

謂君夫人世子三喪也皆大夫攝主人長

衣素純布衣也與深衣同布但袖長素純為異去衰易冠不以純凶接純吉也雜記大夫筮宅史練冠長衣以筮臣為君斬為夫人世子期今權制此服耳敖氏繼公曰此遭喪亦謂遭主君喪也主人即大夫其受之服如此則夫人世子之喪其亦皮弁服以受歟備考

右遭主國喪

聘君若薨于後入竟則遂

既接於主國君君使士請事矣

赴者

未至，則哭于巷，衰于館。

未至，謂赴告主國君者也。巷，巷門。哭于斯，未可

為位也。不哭於庭，以庭有受殯。喪諸禮也。衰于館，有事而出，則吉服也。

受禮不受

饗食。

受饗，餼之正。不受加。

赴者至，則衰而出。

於是，可以凶服將事。而人

君為之闕樂，但其正行聘享禮，則着吉服。雜記云：執玉不麻，是也。主人所歸禮，賓可以凶服受之。

唯稍受之。

此承赴者至而言也。其可以不受者，必却之。其不却者，惟稍而已。稍

稟食也。以其稍稍給之，故謂稍。卿行旅從，從者既多，稍不可闕。歸執圭，復命于

殯，升自西階，不升堂。

復命于殯，臣子之於君父存亡同。升自西階，象生時

反必而之義也。不升堂，告殯之禮然也。

子即位，不哭。

將有告請之事，宜肅也。不

稱世子君薨也。君存稱世子，君薨稱子。其時諸臣待之，亦皆如朝夕哭位。辨復命如聘。子臣皆哭。自陳幣至于上介，以公賜告。與介入北鄉哭。既復命，則出至是，乃更入。蓋復命非主人，入門左，中庭北面哭。然則使出袒括髮，介之哭亦在西方之中庭而西上。歟。出袒括髮，變於外，與人子奔喪袒括入門右，卽位踊。從臣於殯東，異者，人臣之道也。入門右，卽位踊。從臣哭至踊，如奔喪禮。春秋傳魯公孫歸父聘于晉，還至笙，聞君薨，家遣壇帷復命于介，既復命，袒括髮，卽位哭，三踊而出，遂奔齊。君子善之。

右聘君薨

若有私喪，則哭于館，衰而居，不饗食。

私喪，謂其父母也。哭，

于館，衰而居，不敢以私喪自聞于主國，凶服將君之嘉事也。不饗食，不能甘也。古者大夫以君命出，聞喪，徐行而不反，不及者，重君命也。徐行者，為君當使人追代已也。歸，使衆介先衰而從之。已有齊斬之服，在道路，使介居前朝服，既反命，出公門，釋服，哭而歸。其它如奔喪之禮。

右私喪

賓入竟而死，遂也。主人為之具而殯。

具，謂始死至殯所當

用者。而殯，云者，取至殯為節。或曰，殯於其館也。

介攝其命。

初時，上介接聞命，故可攝。

致聘享。君弔介爲主人。君弔蓋皮弁服以主人之命也。雖袒免未喪服也。介爲

主人者雖有臣子親姻在猶不主人歸禮幣必

爲主。以介與賓並命於君尊也。主人歸禮幣必

以用。當中奠贈諸喪具之用不必如常禮。周官掌客凡賓客死致禮以喪用。介受

賓禮無辭也。以當陳之以反命也。著不饗食歸

介復命。柩止于門外。門外庫門外也。必以介卒

復命出奉柩送之。君弔卒殯。卒殯成節君與介乃去。敖氏繼公

日卒殯謂既奠乃去也。大夫之喪自外若大夫

介卒亦如之。不言上介者嫌小聘士介死爲之

棺斂之。

三禮館議上言具兼斂殯備其用者周士介則僅及其棺斂之需而止

君

不弔焉。

使人弔不親往

若賓死未將命則既斂于棺造

于朝介將命

未將命謂侯開之後也以柩造朝者以賓志在達君命朱子曰禮

賓已至朝主君將欲行禮賓請開之後而賓死

則以柩造朝以尸將事左傳陳侯使公孫貞子

弔吳及良將以尸入吳子使太宰嚭勞且辭上

介芋尹蓋接聘以尸將事之禮吳人納之向令

公孫貞子卒於侯開之後行此禮可也今卒於

竟內亦行此禮而吳人從之杜注又以爲知禮

背失

之矣若介死歸復命唯上介造于朝

於賓言止於門外於

上介云造于朝文互見

若介死雖士介賓既復命往卒殯

乃歸。

往謂送柩不言君弔其在既殯之後乎。

士讓按士喪禮君於士有親斂禮况奉使有勞於國君必弔可知

右賓介卒

小聘曰問、不享、有獻不及夫人。主人不筵几、不

禮、面不升、不郊勞。

記貶於聘所以為小也。不享者不以束帛加璧。獻國所有

也。有獻者私獻也。不禮者聘說不以醴禮賓也。面不升者私覲于庭中受之。不升堂也。

其

禮如為介三介。

禮。襄饗餼饗餼之禮也。如為介。如為大聘上介三介者。大夫降於

卿二

等

右小聘

右聘禮

凡二十四
節經文止

記古本

記久無事則聘焉。若有故則卒聘。束帛加書。將命百名以上。書於策。不及百名。書於方。主人使人與客讀諸門外。客將歸。使大夫以其束帛反命于館。明日。君館之。既受行。出。遂見宰閒。幾月之資。使者既受行。日朝同位。出祖。釋輶祭酒脯。

乃飲酒于其側。所以朝天子。圭與纁皆九寸。剡上寸半。厚半寸。博三寸。纁三采六等。朱白蒼。問諸侯。朱綠纁八寸。皆立纁。繫長尺。絢組。問大夫之幣。俟于郊。爲肆。又齋皮馬。辭無常。孫而說。辭多則史。少則不達。辭苟足以達。義之至也。辭曰。非禮也。敢對曰。非禮也。敢。卿館於大夫。大夫館於士。士館於工商。管人爲客。三日具沐。五日具浴。殮不致。賓不拜。沐浴而食之。卿大夫訝。大夫

士訝。士皆有訝。賓卽館訝將公命。又見之以其
摯。賓旣將公事。復見之以其摯。凡四器者。唯其
所寶以聘可也。宗人授次。次以帷。少退于君之
次。上介執圭如重。授賓。賓入門。皇升堂。讓將授。
志趨。授如爭承。下如送。君還而後退。下階。發氣
怡焉。再三舉足。又趨。及門。正焉。執圭入門。鞠躬
焉。如恐失之。及享。發氣焉。盈容。衆介北面。瞻焉。
私覲。愉愉焉。出如舒雁。皇且行。入門。主敬。升堂。

主慎。凡庭實隨入。左先皮馬相閒可也。賓之幣
唯馬出。其餘皆東。多貨則傷于德。幣美則沒禮。
賄在聘于賄。凡執玉無藉者襲。禮不拜至。醴尊
于東箱。瓦大一有豐。薦脯五臠。祭牛臠橫之。祭
醴再扱。始扱一祭。卒再祭。主人之庭實則主人
遂以出。賓之士訝受之。旣覲。賓若私獻。奉獻將
命。擯者入告。出禮辭。賓東面坐奠獻。再拜稽首。
擯者東面坐取獻。舉以入告。出禮請受。賓固辭。

公答再拜。擯者立于闕外以相拜。賓辟。擯者授宰夫于中庭。若兄弟之國。則問夫人。若君不見。使大夫受。自下聽命。自西階升受。負右房而立。賓降亦降。不禮。幣之所及。皆勞。不釋服。賜饗。唯羹飪。筮一尸。若昭若穆。僕爲祝。祝曰。孝孫某。孝子某。薦嘉禮于皇祖某甫。皇考某子。如饋食之禮。假器于大夫。胙肉及廋車。聘日致饗。明日問大夫。夕。夫人歸禮。旣致饗。旬而稍。宰夫始歸乘。

禽曰如其饗餼之數。士中日則二雙。凡獻執一雙。委其餘于面。禽羞俶獻比。歸大禮之日。旣受饗餼。請觀。訝帥之。自下門入。各以其爵。朝服。士無饗。無饗者無儻。大夫不敢辭。君初爲之辭矣。凡致禮。皆用其饗之加籩豆。無饗者無饗禮。凡餼。大夫黍梁稷。筐五斛。旣將公事。賓請歸。凡賓拜于朝。訝聽之。燕則上介爲賓。賓爲苟敬。宰夫獻。無行。則重賄反幣。曰子以君命在寡君。寡君

拜君命之辱。君以社稷故在寡小君。拜。君貺寡
君，延及二三老。拜。又拜送。士讓按記子以君命
在寡君，寡君拜君命
之辱。君以社稷故在寡小君。拜。君貺寡君，延及
二三老。拜。此三十四字，朱子析附聘禮聘享夫
人問卿三節後。今味語意，似屬主君就賓館拜
謝聘享聘享夫人問大夫，賓者同時所釋辭。
賓於館堂楹閒，釋四皮束帛。賓不致，主人不拜。
大夫來使，無罪饗之。過則餽之。其介爲介。有大
客後至，則先客不饗食，致之。唯大聘有几筵。十
斗曰斛。十六斗曰簋。十簋曰秉。二百四十斗四

儀禮集說卷之八終
秉曰筭十筭曰稷十稷曰秬四百秉爲一秬。上讀
按聘禮全篇凡五十三百有四字。蓋古者重邦
交故叙儀文爲詳也。然攷春秋所載列國名卿
聘問每有歌詩贈答之文。而此經無之。豈禮因
時增與。善讀聘禮者豈必位列卿大夫身都公
侯而後集益哉。卽凡交際閒通
其意而隨分亦得治比之讀也。

儀禮紉解卷之八終